

# TEMPOUALISTLI TLEN TEKAPANTLALI



**TLAJKUILOJKETL:  
VICENTE DE LA CRUZ MARTINEZ.**

**KALTLAJKUILOJKETL:  
XOCHIKOSKATL**



# TEMPOUALISTLI TLEN TEKAPANTLALI



**TLAJKUILOJKETL:  
VICENTE DE LA CRUZ MARTINEZ.**

**KALTLAJKUILOJKETL:  
XOCHIKOSKATL**



[Click Here to upgrade to  
Unlimited Pages and Expanded Features](#)

...temponalístli tlen uextekapantlali, nisenkajki ika miak noyolo, nikintlaskamatilia tlamachtitlayekananij pampa tech notskej nochi tlamachtiyaniij tlen mojmotla tikijitaj kenijkatsaj tikojtalisej totekij uan uelis tikinpaleuisej touampoyouaj uan konemej; itokaj: " Taller para elaboracion de libros digitales para fortalecer las prácticas de lectura y escritura en lengua indígena " luaya itlapaleuilis: Dirección General de Educación Indígena (dgei), uan secretaria de educación pública del estado de Hidalgo ( SEPH ), programa de inclusion y equidad educativa ( PíEE ) uan kaltlamachtilmaseualtlayekanketl: Dirección de Educación Indígena de la entidad (DEI).

### **KALTEKITLAMACHTIYANIJ**

Dirección para el Desarrollo y Fortalecimiento de las lenguas Indígenas ( DGEI ).  
Subdirección de promoción de la lectura y la escritura en lenguas Indígenas, ( DGEI ).

### **TLAJKUILIKETL**

Vicente de la Cruz Martínez.

### **TLAMACHTIJKAYEKANANIJ:**

María del Pilar Rivera Sánchez.  
Alfonso M. Díaz Pichardo.

### **TLAJKUILOTLACHIXKETL:**

Juan Osorio González

[Click Here to upgrade to  
Unlimited Pages and Expanded Features](#)

istli nijneki niktinlaskamatilis  
tlanadajani uan nouampoyouaj tlen timonechikojkej namaj  
ipan ni tekitlanechikoli kanij tikijitakoj kenijkatsaj tikojketsasej  
toteki kampa titlatskitokej, pampa ika inintlapaleuilis  
nitlajkuilok uan nisenkajki se amochtli tlen nijtokaxtik:amoch  
tlatempoualistli tlen kuali kiixpouasej konemej tlen  
momachtiyaj tlen eyi uan naui tekitlamachtilyan, achi  
niouijtik pampa nechpoloua nijtekiuis teposmekatlajkuiloli san  
kena ika inintlapaleuis tlen nouampoyouaj sansejko tikisatoj  
ipan ni tekitl.

## **Tlaskamati.**



Your complimentary  
use period has ended.  
Thank you for using  
PDF Complete.

## KPANTILISTLI

[Click Here to upgrade to  
Unlimited Pages and Expanded Features](#)

nkaua ni tekittlamachtillistli, pampa niyolpaki  
iikojkej ipan nitonal, nochi tlamachtianij tlen  
tisenkauasej tlamachtilli tlen tikinextilisej  
tonauatlajtol kipia ueyi neluayotillistli  
pampa ika yani tomaseualikniuaj motlalamiktijtokej uan monejnemiltijtokej ipan  
nochi ni toanauak tlali.

Moneki nochi momachtianij, tlamachtianij, tatamej uan tlanauatianij sansejko  
timopaleusej tijyekanasej ni tekittl ipan tokaltlamachtilloyan pampa nelia tikitaj  
neltekuesoj kenijkatsaj miyak telpokatlamachtianij ayok kineki tekitisej ika  
nauatlajtoli. Namaj nikita yoli seyok tlamantli tlamachtillistli pampa nochi  
tomaseualpoyouaj uelis kitekosej ni tlamachtilli uan nojkia uelis kipiusej ika inin  
tlalnamikilis. yeka namaj ipan ni tekittlayekanali nijsenkauaj, se tekittlajkuiloli ika  
amatlajkuilolmachiottl tlen uextekapan tlali niytokaxtijtok: amoch tlatempualistli  
tlen konemej ika miyak pakillistli kiixpouasej pampa kejnopa inijuantij yolis  
ininyoltipaj uan kiamatisej tlapouasej, tlajkuilosej uan tlajtosej ika inintlajtol.

Nijkaua ni tekittl inmomako pampa nijneki nochi tomaseualpoyouaj ma  
kiixpouakaj uan tijueyichiuasej tlanamikillistli tlen techkauilijtejkej toueyi tataauj.

[Click Here to upgrade to  
Unlimited Pages and Expanded Features](#)

	UCHI TLAMACHTIYANIJ.....	7
	KOYOLIJ.....	8
	SE KUAJTLI UAN SE TENAMPIYO.....	9
	SE CHICHI UAN SE PITSO.....	10
	SE MASATL UAN SE UITSITSILIJ.....	11
	EYIJ KONEMEJ.....	12
	XOCHITEKUANI, TEKOMAJTLI UAN MASATL.....	13
	CHILTOTOTL UAN KUITLATOKTOK.....	14
	SE KOYOCHICHI UAN SE KUATOCHIJ.....	15
	SE TLAKATL UAN OMEJ IKONEUAJ.....	16
	SE TELPOKATL KISTEKI ICHINANKO.....	17
	AYITOCHEJ UAN TSOPLOTL.....	18
	KUAMOJMOJTLI.....	19
	SE KUAPALECH KIKUAESKIXTIK SE KOCHO.....	20
	AKAXILOTL.....	21
	SE TLAJTLAMAJKETL.....	23
	AMOCHTLI TLEN IKA NIMOPALEUIK.....	24

[Click Here to upgrade to  
Unlimited Pages and Expanded Features](#)

timonechikojkej nochi tlamachtianij uan  
ika mopaleusej nochi maseualtlamachtianij

uan kejni uelis tijueyichiuasej tonauatlajtol pampa ipan tochinanko onkaj miyak  
tlalnamikilistli tlen nochij chinankomej ika monejnemiltijokej uan  
motlalamiktijtokej.

Konemej tlapouasej ika miyak pakilistli.

Kichiuasej yejyektsij tlajkuiloli.

Nochi tlen kipouasej kuali kikuamachilisej.

Kitemosej sekinok tlajlamikilistli ipan ichinanko.

Kipias se kuali tlajtoli uan kuali inemilis.

Kitlepanitas nochi tlen onkaj ipan ichinanko.

Kintlepanitas nochi imaseualpoyouaj.

Kiamatis kichiuas se kuali tekiti ipan ichinanko.

Kimatis kenijkatsaj kisenkauas se kualantli.

Kenij momochtiyanij kipiasej seyok tlamikilistli tlen kinpaleuis kuali itstosej  
iuaya ininchananko euanij.

## SE TSIKATL UAN SE KUITLATSOKOYOLIJ



Your complimentary  
use period has ended.  
Thank you for using  
PDF Complete.

[Click Here to upgrade to  
Unlimited Pages and Expanded Features](#)



aj se tsikatl mopantijki iuaya se kuitlatsokoyolij  
e ojtli, teipaj kiiluiki; kanke tiyaj timopaxaloltiti  
o: tsikatl kinankilik: niyaj nijtemoti tlakualistli  
pampa nonana tsikatenaj nech titlantok, pampa kiijtoua  
mostla o uiptla tlaauetsiki uan moneki tisentilisej miyak  
tlakualistli pampa kemaj tech asis tekipacholi ayok uelis  
timotlatemolisej.

Kuitlatsokoyolij kinankilik amo xiyaj nouampoj, achikuali  
xiuala nouaya nimits uikas nochaj nimitsmatiltiti,  
titlakuasej, timauiltisej uan kemaj tiotlakiyas niyas  
nimitskauati mochaj, tlajlamijka tsikatl axkineltokak  
nopa kuitlatsokoyolij uan kikonanki iojui; ika iuiptlatiyaj  
pejki tlakiyeui uan axuejkaki pejki tlaauetsij uan  
tlaauetsij, uajka kuitlatsokoyolij motlalantejki yajki  
kinekiyaya motlatemoliti san kena ayok kikuepilito pampa  
ne ojtijap kikonanki se ueyi xopanatli uan axkipantik  
kanij moamanauis uan kiuatanik atemolomitl kejnopa  
kipantik imikilis.

Yeka namaj moneki timolajlamiktisej uan titekitisej  
momostla kejnopa axtechpantis tekipacholi kej  
kuitlatsokoyolij kipantik.



# SE KUAJTLI UAN SE TENANPIYO



Your complimentary use period has ended. Thank you for using PDF Complete.

[Click Here to upgrade to Unlimited Pages and Expanded Features](#)



...oua se kuajtli uan se tenampiyo sancejko nemiyayaj a kualantli, san kena temampiyo axkinekiyaya koneuaj pampa kiitak nopa kuajtli nochipa inintepotsko nemiyaya pilpiyotsitsij, se ueltaj tenampiyo achi kokolisuilok uajka kiiluik nopa kuajtli: xichiua se kuali tlakayotl, xikinontlachili ne nopilkoneuaj, tlaj tiuelis xikinuika xikinpaxaloltiti ne atlajtenoj makintemotij pilokuiltsij, sayolimej, chapolimej uan tokamej; ika tiotlak tikuualikas kalijtik in tlakuakij uan inkochisej; na achi nikokoya uan axnipankisas namaj ni tonali.

Tenampiyo kitlajtlanki tlaxikoli, axkiitak kemaj tlayouak, uan ikoneuaj ayok asikoj, tonilij kualkantsij mejki kintemoto nochi kaltitlaj tlami nenki uan axkinpantik.

Ika tiotlak asiko kuajtli uan kipouilij nochi tlen pañotoya nopa tonali: kiiluik: xinech tlapopolui nouampoj, na tlauei nijnekiyaya nikinmanauis mokoneuaj, san kena asito se tlakuakilotl uan kinkuajki, axuelki nikinmanauiya pampa niyajtoya nimotlatemolito tlauei nimayanayaya; axtlanki kipouilik tlen panotoya, kemaj asito se pilpiyotsij kitlami omiyopojpostektoya nopa kuajtli kipouilik inana nochi tlen panotoya nopa tonali, ika miyak kualantli uan kuesoli, tenampiyo motlalanki uan pejki kipapatlachuiya, kitsonpechik uan kitlapoltik, kemaj tlajlamiktejki, patlanteki yajki moseuito kuaixko, yeka namaj piyomej tlauei kimauiliyaj



## SE CHICHI UAN SE PITSO.



**PDF**  
Complete

*Your complimentary  
use period has ended.  
Thank you for using  
PDF Complete.*

[Click Here to upgrade to  
Unlimited Pages and Expanded Features](#)



Se chichi nemiyaya ipan nochi kaltitlaj kitemojtinemiyaya tlakualistli pampa itekojuaj axkitlamakayaj, kiijtouayayaj tlauel tlatskatiyaya, mojmstla se ijnalok, tlajkotona uan tiotlak san mochiyayaya ma kimakakaj se tochtontlaxkali.

Se ueltaj kipantito kaltechtitlaj ilpitoya se ueyi uan tomauak pitso, axtoui san uejkatsij moketsato uan kitlajtlanik: nouampo na nikita ta kena mits iknelia mo tekojuaj, na niyuika miak tonali nitlamokuitlauia tonayaj, tlayoua uan axnechtlamakaj, uan ta nikita motekojuaj tlauel kuali mits panoltiaj, tijkaua miyak tlakualistli tlen na tlauel nech poloua; axtijneki tinechmakas se ome motochtontlaxkal:

Pitso moyolpitsajki kemaj kikajki tlen kuesoli kimelauayaya nopa chichi, uajka kiiluiki; amo ximokueso nouampoj na nimits paleuis.

Namaj ni yuali ximokauati kampa kochij piyomej uan totolimej uan kemaj asis majtlaktli kaitl tlen tlayoua peuas xitlaajuas uan tiktas, motekojua pankisasej uan mits tlepanitasej pampa kiijtosej kuali tikinmokuitlauia tlakuakemej.

Kemaj asik kaitl, chichi pejki tlaajua uan tlaajua, uajka tekojtli kikajki motlalojtiyajki kiitato uan kiiluik; nopilchichi, nopilchichi, xitechtlapopolui, nelnelia timits tlauekajtokej namaj timits tlamakasej mojmstla pampa ta tikinmanauikij ne totlapiyauaj.

## SE MASATL UAN SE UITSITSILI



*Your complimentary  
use period has ended.  
Thank you for using  
PDF Complete.*

[Click Here to upgrade to  
Unlimited Pages and Expanded Features](#)



Se ueltaj se masatl uan se uitsitsili mopantijkej ipan se ojueyojtli, masatl axkemaj kipantijtoya se piltototsij tlauei pilkuekuetsij, uajka ika miyak tekipacholi kitlajtlanik: kenijkatsaj motokaj nopiluampoj; na notokaj uitsitsili, uan kenijkatsaj timotemoliya motlakualis, na nipatlantinemij xochiixko nijtemojtinemi xoxiatl uan ika yanopa nimopanoltiya uan yeka nijpia tlauei ueyi nemilistli; uan tipatlani uejka uan uejkapaj; kena pampa na nechtlalik toteko kejnopa elis nonemilis: uan kenke tijneki timatis kenijkatsaj nimopanoltia, pampa

Na nonemilis seyok tlamantli, nimotlakualtia ika xiuitinij, kuaneluatl uan kuayoli uan kemaj nimopantiya iuaya tlakamej uan kineki nech miktisej nimochoholtia uan nimotlaloua chikauak.


Kejnopa mokamauijkej se kuali kauil teipa masatl kiiluik uitsitsili; achikuali ma timotlanikaj ta xipatlani uan na nimotlalos tikitasej ajkia tlatlanis.

Uitsitsili axmokajki ma kipinati nopa masatl, uan kinankilik: kena niselia motlatenkauilis, san kena namaj axniuelis pamp namaj niyas eluikak nijyolmelauati toteko kenijkatsaj ininemilis tlakamej ipan ni tlaltipaktli , tlajtijneki mostla nikaj timopantisej kemaj asis chikueyi kauitl ika ijnalok; asik tonali nopanoj mopantikej: masatl moojtlalik uan uitsitsili moseuik ipan se xochitl imakuayo uan kejnopa pejki nitlatlanilistli: san kensej tlapetlauitl, xitlantejki uitsitsili, masatl axkiitak kemaj kistejki uan axtoi asito kampa moiluijtoya, kemaj asito masatl uitsitsili kiitak motlami lelekuetstoya uar motlami kuapojpostektoya, nochi itlakayotipaj espoltik yauiyaya. uan kejnopa tlanki inemilis.

## EYI IKNIMEJ:

### MEJ TLAUEL TLAJLAMIKIYAYAJ.

[Click Here to upgrade to Unlimited Pages and Expanded Features](#)



yaya eyi tlakaiknimej, se tlakatki achi uiuitik uan omej  
l tlajlamikiyaya, se ueltaj axkipiyaya tlen kikuasej uan  
mauijkej kiijitakek tlen tlakualistli achi kuali  
kikouaskia: kiijlamijkej kikouasej se yamaxtik piyo uan  
kikakatsosej ipan se tepostlakualixitijketl. ika tiotlak  
kisentilijkej nochi tlakualtlaman  
tinij uan kipampijkej ika pajpatla isuatl uan moiluijkej:  
namaj matikochitij mostla tijkixtisej uan sansejko titlakuasej.  
timonechikosej kemaj asis chikueyi kaitl ika ijnalok uan  
timopouilisej tlen tijtemijkej tlayoua.

Achtoui pejki kipoua temiktli telpokatl achtoui ejketl tlen  
tlauel tlajlamikiyaya, sampa kipojki telpokatl ompa ejketl  
uan kiijtojkej: na tlayoua nijtemijki niyajki eluikak nikitato  
toteko, ompa ejketl kiijtojki: na nojkia yanopa nijtemijki uan  
niyajki motepotsko.

Uiuitelpokatl kiniluik: na nimechitak inyajkej eluikak, yeka  
na nimejteki tlayoua uan nijtlapoto tepostlakakatsotlakualistli  
uan nikixtik piyo uan nijkuajki.

uantlaj inmayanaj nemechkauijki kechkuayoomitl,  
elchikiomitl uan metsomitl.

Kejnopa kinuiiukuepke nopa omej iknimej tlauel  
tlalamikiyanij..

## II, TEKOMAJTLI UAN MASATL.

[Click Here to upgrade to  
Unlimited Pages and Expanded Features](#)



itstoya se xochitekuani ipan se ueyi kuatitlamitl, tlauei mayanayaya  
ayaya tlakuajkemej tlen pisiltsitsij, se ueltaj kikonanki se ueyi uan  
ojtli, teipaj kipantito se tekomaajtli uan kiiluik: nimitskuas pampa  
uejka tnejnentok uan tlauei nitlaxikojtok: kualtitok, tlanankilik tekomaajtli,  
san kena xinechchia niyas niauakakuati kejnopa achi ajuiyak uan chiyaktik  
tinechkuas.

Tsikuintejki tekomaajtli tlejkok ipan auakakuauitl, pejki kiteki tlen uejueyi uan  
iksitok auakatl uan konanki kikuamotla, uajka xochitekuani mochololtik  
kikonanki seyok ojtli.

Sampa kipantito se ueyi masatl itstoya ipan se sakamili uan kiiluik:  
nimitskuas pampa ninelmaya: masatl kinankilik: axuelis tinechkuas pampa  
noteko itstok nouaya uan mitstlakechiltijtok ika se tepostlatopontli.

Kualtitok, tlanankilik xochitekuani uan kiiluik: uajka xinechpaleui,  
matiyakaj itsonko ne tepetl uan nimoketsas itempa uan ta  
tinechkuatopeuas pampa tlauei nijpano apismiktli uan tekipacholi,  
achi kuali nijneki nimikis, sankena achi uejka timotlalochtis uan  
kenopa achi uejka niuetsiti uan ijkinoy nimikis. uiui masatl kineltokak  
xochitekuani uan kemaj kinejki kikuatopeuas, mijkuenij xochitekuani  
uan masatl san ompanoto uetsito tepexitsintlaj motlami  
kuatlatlapatski uan kejnopa kipantik itlakualis xochitekuani.



# CHILTOTOTL UAN KUITLATOKTOK



Your complimentary use period has ended. Thank you for using PDF Complete.

[Click Here to upgrade to Unlimited Pages and Expanded Features](#)



uiliyki se tlatempouilistli tlen nokoli kipouilijtejki; kitemoyayaj se tototl tlen uikaskia ipan marzo, abril stli, uajka kitlapejpenijkej se tototl tlen yejyektsij motlakentiyaya uan itokaj chiltototl. itlamachtijka eliyaya se akuatajtli, nochipa se ijnalok uan ika tiotlak kimachtiyayaj ma kuajkualtsij uika, sankena nichiltototl axuelki kiyekoki kikistli.

Nojkia itstoya se piltototsij tlauei sosokitik uan yeka axkinotsayayaj manomomachtiti kikisis, san uejkatsij pejki momachtiya iselti uan nimantsij uelki kikisi.

Kemaj sampa monechikojkej chiltototl uan akuajtajtli; kuitlatoktok achtoui pejki uika san uejkatsij, kikajki akuatajtli uan kinotski uan kiiluik: pampa ta kuali tiuika, namaj tiuikas ipan marzo, abril uan mayo metstli, kenopa chiltototl kikuilijkej tlayekanuikayotl.



## SE KOYUCHI UAN SE KUATOCHIJ.



Your complimentary use period has ended. Thank you for using PDF Complete.

[Click Here to upgrade to Unlimited Pages and Expanded Features](#)

mayankatitoya uan kiiluik: ajkia tijtemoua nomauampo: koyochichi axkinankilik.

Uajka kuatochi yolik kinekiyaya mochololtis, uajkinoj koyochichi kiiluik: na tlauei nimayana uan namaj nimitskuas: uajka kuatochij tlauei momajmatik kiiluik: amo xinechkua , tla tinechmiktis, axkemaj tijmatis kanij itstok mosiuaj, na nijmati kanij itstok kimasiltijkej tlakamej yaluaya, uan nijmati kanij kitsaktokej.

Uajka koyochichi kiijtojki: nimitstlapopoluis axnimitskuas san kena xinechuika kanij tikitak.



Kiconankej ojtli, uan kiaxitito ipan se ueyi picholi temitok ika tsalantik atl. uajka kuatochi kiiluik: ximouijtsoma uan xikita ne picholijtik itstok mosiuaj, uajka koyochichi momajmatik uan kuesoltipaj kiijtoki; xinechpaleui xijtemo ika tlachke uelis tijkixtisej.

Kuatochij kiijtojki uajka nikaj xinechchia na niyas nijkuiti ueueyak uan tomauak tlamalimitl uan tijkixtisej mosiuaj.

Panok miyak kauitsitsij uan kuatochij ayok asiko, kejnopa mochololtik teikneltsij kuatochij.



[Click Here to upgrade to  
Unlimited Pages and Expanded Features](#)



Se ueltaj itstoya se tlakatl tlaueI kipixtoya miak tomij, nochi chinankoeuanij kitlaneuiliyaya kintlanejtiyaya ika ichamanka; ikoneuaj kiitayaya kenijkatsaj mojmotla konkuepiliyaya itomij uan kitemayaya kaxatipaj axkinekiyayaj tekitisej pampa itata mojmotla kiseliyaya miak tomij. Se tonali kipantik se ueyi kokolistli tlaueI tekipanok pampa ikoneuaj axkinekiyaya kimokuitlauisej, panok tonali uan axuelki mochikajki, uajka ikoneuaj pejke kimokuitlauiya ika miak kualantli, axuejkajki mijki uajka ikoneuaj mokamauijkej kenijkatsaj kixeloskia nopa tomij uan pejke kitemouaj nopa kaxa; kemaj kipantitoj mopaleuijkej kitlalantejkej kiukakej tlaixpantenoj, pejke kipopochuiyaj uan kitlaskamatilijkej toteko pampa kipiaskia miyak tomij.

Kemaj kitentlapojkej, ueyi kuesoli kinpantik pampa nopa kaxaj temitoya ika miak apoltetl, tomij tlen inintata kinechikojtoya ika miak tekipacholi kiijkuenijtejki kitlaltokato sejkanok. Ni omej iknimej tlaueI tekipanokej kemaj miktejki inintata pampa axmotlajlamiktijkej nimaj.



## SE TELPOKATL KISTEJKI ICHINANKO.



*Your complimentary  
use period has ended.  
Thank you for using  
PDF Complete.*

[Click Here to upgrade to  
Unlimited Pages and Expanded Features](#)



Se ueltaj itstoya se ochichpil kemaj kuekuetsij eliyaya tlaueI kiikneliyaya itatauaj, kejnopa moskaltijtiyajki kema motelpokachiuatoya kistejki ichinanko yajki tekitito ipan se ueyi altepetl, itatauaj kitemouayaya kititlaniliyaya amatlajkuiloli uan axkemaj kipantijkej.

TelpokatI san yolpaktok monejnmiltiyaya ipan euyi altepetinij, kuali tekitl kipantijtoya uan kuali kitlaniyaya.

Panok miak xiuitl, uajka moyoliluik, ualas ichinanko kinpaxaloki itatatuaj, kemaj asik tonali, motlasentiluilik uan kikonanki ojtli.

Kiualikayaya tomij uan miak tlamantinij kintlauajualikiliyaya itatauaj, sankena kemaj asito ichaj kiitato tsaktok uan nochi ouijka eltoya itata ichaj; kintajtlanik iteixmatkaua kiyolmelajkej kipia ome xiuitl polijtejkej.


TlaueI mokuesok uan kiyolkokoki tlen panotoya , toteko kitlatsakuiltik pampa kintlauelmajkajki itatauaj, yeka tla nojua iniuaya tiitstok, xikintlasojtla, xikinpaleui uan xikintlamaka, kejnopa axkuesolpaj tiitstos.

## AYITACHI UAN TSOPILOTL.



Your complimentary  
use period has ended.  
Thank you for using  
PDF Complete.

[Click Here to upgrade to  
Unlimited Pages and Expanded Features](#)



Kijitouaj se ueltaj se ayitochij mopantik iuaya se tsopilotl, ayitochij tlaueI kuesiuiyaya panpa momostla tlapoxatinemiyaya kitemoua tlen kikuas, se ueltaj kisato tlalixko kiitato ijkatok se ueyi yayauik tsopilotl uan kiiluik: axtijneki tinechmachtis nipatlanis panpa nikita ta axtijpano mayantli uan tekipacholi kampa tionasi tijpantiya motlakualis.

Tsopilotl kinankilik. Kena nimitsmachtis, tla tijneki tiyas nouaya na nimotlatemoliti sejkanok san kena nipanos ne ueyi atemitl.

Ayitochij tlejkok ipani nopa tsopilotl uan pejki patlani, san kena pejki etiya nopa ayitochij uajka tsopilotl ayok uelki patlali.

Kemaj yaiuyayaj tlajko atemitl tsopilotl kimalakantik nopa ayitochij uan uetsito atitlaj uan axueliyaya ajki yeka misauik, tsopilotl pejki papatlaka aixko, kejnopa uelki momanauik.

## KUAMOJMOJTLI

Uejkacia monechikojkej nochi totomej mokamauijkej kenijkatsaj kipaleuiskia se tototl tlauei kuali tlamatketl san kena eliyaya tlauei sosokitik: chiltototl kiiluik: niyas nijtemoti pajtinij uan tijpatilisej motlakeyo san kena amo ximotekipacholti nouampo kuamojmotli.

Kikonanki ojtli teipaj mopantik iuaya se xichtli tlen tlauei kuali tlamatiyaya uan kiiluik: kanke tiyaj chiltototl nikita tlauei titekipacholpano. nijtemoti pajtli pampa tijneki tijpaleuisej touampo kuamojmojtli tijpatilisej iijuiyo.

Axtijpantis, achikuali xikuepili uan xikinnehikoti nochi totomej uan na niitstos mouaya uan tikintlajtlanisej nochi totomej tijmakasej sejse toijuiyo. kenij mopaleuijkej nochi uan yeka ni tototl mokuepki tlajtoluikaketl Uika ika tlayoua uan ika ijnalok tech matiltiya tlen panos ipan tochinanko.



## SE KUAPELECH KIKUAESKIXTIK SE KOCHO.



Se touai kinpixtoya miyak piyomej uan totolimej, nojkia ipan ikalmapaj kiuiyonijtoya se tepostlatsaktli kanij kinkalakiyaya omej kochomej; nochipa se ijnalok kintlamakayaya kintemiliyaya sintli uan atl, kochomej uikayaya, kikisiyaya uan kiijtouayaya se ome tlajtoli, kuapelech tlauei kikualankamakayaya, nochipa se ijnalok kejni panoyaya.

Se tonali toai yajki tiankisoto altepeko uan kiilkajki kitsakuas nopa tepostlatsaktli uajka nopa omej kochomej pankiskej uan yajkej kipejpenatoj tixtli uan sintli. Kuapelech tlauei kikualankaitayaya uan kemaj kinitak nemij tlalchipaj patlantejki yajki kintsonpechito pejki kinkuatsatsakatsa kintlami kokok, kemaj asiko toai kinpantiko uichtikej itstoyaj kintlami kuaeskixtijtoya nopa kuapelech. Yeka namaj kochomej kuachichiltikej.

[Click Here to upgrade to  
Unlimited Pages and Expanded Features](#)

Sya miltekitis , kipixtoya se ueyi atlali tlaueI kiamatiyaya kualI tlaelis, mokitoya iuaya se siuatsij nelnelia kualI iyolo, axkemaj kipixkej yonsej konetsij; kipixtoyaj se pilchichitsij tlen eliyaya kualI ininuampo pampa axkemaj kinkajkateuayaya; kemaj milchiuayaya kitokayaya sintli, etl, chili uan sekinok miak pilkuatlajkayotsitsij. Isiuaj kiamatiyaya tlakualsenkauas uan kichijchiuiliyaya ajuiyak uan totonik xojxouik chiltlaxkali , ayuatl ika apasotl uan teksistli pajpatla tlakuelpacholi.

Asik se tonali ayok uelki kitlaxkalchijki pampa kipantik se ueyi uan temajmati kokolistli, iueuej kitlatemolik ika xiuiochpanketl uan axkemaj kipantilijkej tlen kokolistli kiasitoya , tlaueI motlaueltik uan axuejkaki mijki; Juantsij tlaueI kiyolkokojki nopa kuesoli tlen kipantik isiuaj uan axuejkajki pejki kuachakalui , teipaj kiitato se tepajtikel tlen kipaleuik uan kejnopa mochikajki. Sempa pejki miltekitl, sankena ayok tlakuayaya kej isiuaj kitlaxkalchiuayaya, kemantika axtlakuayaya, kejni panotiyajki miyak tonali; ipilchichi moijnotekayaya nochipa iuaya nemiyaya kiitak kenijkatsaj kuesolpanoyaya uan kiyolkokouayaya imikilis tlen isiuaj. Pilchichitsij kitemoliyaya kenijkatsaj kipaleuis iteko.

Se ijnalok sanyolpaktokoj kikonankej ojtli yajkej milaj pampa tekojtli kinekiyaya kitlamiltis tlameuali. Uajka nopa chichi kisteki tlatlajtijya uan kikonanki ojtli asito tekojtli ichaj; mokixtilik ikuetlaxo uan kitemojki siuayoyomitl , motlalilik uan pejki kitisi nextamali ipan metlatl , sampa kitejtejki yejyektsitsij , yajyaualtik uan kajkanaksij tlaxkali, tlantejki mokixtilik nopa siuayoyomitl uan sampa motlalilik ikuetlaxo, motlaloua yajki kiitato iteko, kipantito tlantoyaya tlameua.

Kemaj asito , Juantsij kalakito kaltlakualchialistli, kiitato kuamesako eltok se tlatekpicholi sosonektik tlaxkali; tlaue

 *Your complimentary use period has ended. Thank you for using PDF Complete.*

[Click Here to upgrade to Unlimited Pages and Expanded Features](#)

na tlaue tlakuajki nopa tonal.

, mokuatejtemok:



Tlaue momajmatiyaya pampa mojmstla onkayaya tlakualistli ichaj, teipaj se tonal moyoliluik, namaj niyas nitekititi sankena nimaj niualas uan niktas ajkeya kalaki nochaj uan tlaxkalchiua, kejnopa kichijki:

Mostlatik kualkantsij kisteki yajki milaj, sankena nimantsij mokuapato pampa kinekiyaya kipantis ajkeya kitlaxkalchiuayaya; tlajkotona asiko ichaj, ichtakatsij uan yolik uan yolik monechkauijtiyajki kampa tlakualchiuayaya isiu: nozona kipantito ipilchichi mokentijtok isiuaj iyoyo uan konantok tisij metlako uan nopa ikuetlaxo kikuakajtok ipan se kuachajmolo.

Kemaj tekojtli kipantito ni pilchichi metlaixko , tlaue momajmatik pejki kuakoyochoka, motekato iikxitla uan kiiluik: xinechtlapopolui noteko uelis tlaue nimitsixpanotok, na san nijnekiyaya kuali xiitsto uan san xiyolpakto.

Uajka tekotli kinankilik: amo ximomajmati nopilchichi, ta nochipa nouaya tiitstok, sansejko titekipacholpanosej ; chichi ika miyak pinaualistli kistejki yajki kaltenoj kiuatanijtiyajki ikuetlaxo kinemilito sampa motlalilis, san kena nopa kuetlaxtli sejseski ayok uelki tlatskik itlakayotipaj.

Tekojtli monechkauik kanij uetstoya ichichi uan kiiluik: amo ximokueso, tla mokuetlaxo ayok tlatskik motlakayotipa , uajka niyas ne milaj nijtlaltokati uan nozona ixuas yejyektsij, totomaktik uan chijchipaktik akaxilotl.

## SE TLAJTLAMAJKETL.



Itstoya uejkaya se tlakatl, mochantijtoya atentenoj, mojmmostla yauiyaya ontlajtlama, kinitskiyaya xolomej, chomakijmej, akamayimej uan tokoximej nochipa kejni mopanoltiyaya, axkinekiyaya miltekitis.

Miyak tlakamej kitlaneuiyaya matlameuati, tookati, pixkati, tlaixtekiti uan axkiamatiyaya miltekitl. Se tonali ika tiotlak kipaxaloto se ikompa, pejke mokamauiyaj uan kiiluik; achi kuali ximopajti pampa nopa michimej tlen tikinonkui momostla kipia se ininteko itokaj apixketl, tlen kintlajsotla uan tlael kualani, kemaj se akajya kinonkui tlatlatijya.

Nopa tlakatl axkineltokilik ikompa uan sampa yajki tlajtlamato atlenoj kinpantito uejueyi michimej san petlantokej ipan se ueyi akomoli, ika itlaminka kitsopinik se ueyi xolotl tlen auelki kipankixtiya atentipaj, ni michij achiok kalaktiyajki acomultipaj uan kalakito ipan se ueyi tekuemitl, nopa tlakatl axkimatki kenijkatsaj kitilantiyajki nopa michij uan kemaj iyotlanki kinekiyaya nojua pankisas sankena ayok uelki pampa nopa michij kikalakijtoya ipan se ueyi tepatlaktli.

Kejni kiasik imikilis nopa tlajtlamajketl.

10

ht

w

11

ht

g

es

13

https://

Lrk

14

https://

oy

15

https://

hrom

18

https://

mK

22

https://

sc



**PDF Complete**

Your complimentary use period has ended. Thank you for using PDF Complete.

[Click Here to upgrade to Unlimited Pages and Expanded Features](#)

tienen+cuernos&source=Inms&tbm=isch&sa=X&ved=0ahUKE=1366&bih=667#im

s&cd=&ved=2ahUKEwjSmOr0irrkAhW7HDQIHUszD5gQjRx6BAgBEAQ&url=https%3A%2F%2Fwww.rockandpop.cl%2F2019%2F06%2Festudio-revela-que-tener-una-hermana-es-antidepressivo%2F&psig=AOvVaw1hcK3vmjvly2S6iajr5xTR&ust=1567786731367539

https://www.google.com/search?q=imagenes+de+aves&source=Inms&tbm=isch&sa=X&ved=0ahUKEwiEvNu5jLrkAhUOS60KHbKBBSMQ\_AUIEigB&biw=1366&bih=667#imgrc=k

https://www.google.com/search?ei=HTdxXcS5Ao6WtQWyg5aYAg&q=imagen+de+coyotes&oq=imagen+de+los+coyotes&gs\_l=psy-ab.1.0.0i22i30.2580.13091..16198...6.2..0.265.41

https://www.google.com/search?q=el+campesino+y+sus+dos+hijos&oq=el+campesino+y+sus+dos+hijos&aqs=hrome.0.69i59I2.13931j1j7&sourceid=chrome&ie=UTF-8

https://www.google.com/search?q=el+tecolote&source=Inms&tbm=isch&sa=X&ved=0ahUKEwjEnor7j7rkAhVRmK0KHVRrAIAQ\_AUIFCgD&biw=1366&bih=667

https://www.google.com/search?biw=1366&bih=667&tbm=isch&sa=1&ei=OTtxXZmcBYmWtQWOk7ow&q=el+pescador&oq=el+p&gs\_l=img.1.0.0i67I4j0j0i67I3j0I2.127095.12815






**PDF**  
Complete

*Your complimentary  
use period has ended.  
Thank you for using  
PDF Complete.*

[Click Here to upgrade to  
Unlimited Pages and Expanded Features](#)





*Your complimentary  
use period has ended.  
Thank you for using  
PDF Complete.*

[Click Here to upgrade to  
Unlimited Pages and Expanded Features](#)

Ni amatlajkuiloli tlen nijtokajtijtok: amochlatempoualistli, digital, nikijkuilok ika nauatlajtoli tlen uextekapan tlen Hidalgo tlali, nisenkajki ipan tekikaltlamachtlistli ( taller elaboracion de libros digitales, para fortalecer las practicas de lectura y escritura en lengua indigena, san se amochtli tlasenkauali.

Ueyi altepetl, Pachuca de Soto, Hidalgo tlali; makuili tsontli uan kaxtoli uan naui xiuitl tlen septiembre metstli

**KALTLAJKUILOJKETL:  
XOCHIKOSKATL**

